

QEQQA

SIUMUT INGERLASOQ



 KOMMUNIMUT QINERSINEQ 2025





SIUMUT INGERLAQQISSAAGUT

Nunarput ukiuni sisamani tulliuttuni politikikkut aqutsisussanik qinersisussanngorpoq. Qinersinerup inerner apeqqutaalluni tamatta siunissarput titartarneqartussaavoq. Una saqqummersitaq atorlugu, sunik pingaartitaqarluni anguniagaqarlunilu Siumut inissisimanersoq atuarsinnaavat. Siumut ineriartornissarput atugarissaarnerulernissarpullu pillugit pisarnermisut Inuiaat Kalaallit salliutillugit sulinerminik nangitsissaaq.

Quppersakkami Siumup tunngaviusumik pingaartitai suunersut paasissavatit, taakkulu tunngavigalugit atukkatigit naligiinnerulernissamik, kulturitta pingaartinneranut, inuiaqatigiittut ineriartoqqinnissatsinnut namminiussuseqarnitsinnullu Siumut suliaminik nangitsilersoq paasissavat.

Nunarsuaq allanngorartooq ilisimaaralugu inuiaqatigiittut ataatsimoorluta aqut tigummissavarput. Siumut tassaajuassaaq inuiaqatigiinnik nukitunerulersitsisoq aamma kalaallit tamatta periarfissaqarluarnissatsinnik siuarsaajuartoq.

Kommunimut qinersineq tassaannaanngilaq politikikkut siuttussanik toqqaaneq; assinganik pingaartigaaq inuiattut ataasiussuseqarnitsinnik pingaartitsillunilu takutitsinissaq aamma takorluukkatsinnik piviusunnngortitsissalluni piginnaaneqarneq. Kajumissaarpatsigit peqataaqqullutit, anguniakkallu ilusilersueqataaffigalugit.

Tamatta pineqarpugut, aamma illit. Ataatsimut SIUMUT ingerlasa, aalajangeriataallaqqissuseqarluta erseqqissunillu anguniagaqarluta.

Ukiuni tulliuttuni suliniutiginiakkavut tamaasa uani inissaqartinngilagut. Taamaattumik qineqqusaartut ataasiakkaat qineqqusaarutaat ilanngullugit maluginiarigit. Suut allat sulissutiginiarnerivut pillugit qaqugukkulluunniit attaveqarsinnaavutit, una atorlugu: rene@bmrbyg.com.

René Lennert Frederiksen

Siulittaasoq

Ataatsimut Siulersuisut, Qeqqa



KOMMUNERPUT INNUTTAASUNUT KIFFARTUUSSILLUARTOQ

Siumup sulissutigissavaa, inoqarfinni tamani inuit ornittagaat atorluarlugit peqatigiinnermik ikorfartueqataaneq, soorlu **timersornermik ingerlatsisut, peqatigiiffilerisut, pilersitsisartut, kulturilerisut, eqqumiitsuliortut, nipilersortartut** allallu inooqatigiinnitsinnut nukittorsaasut erseqqissumik tapersornerisigut.

Meeqqat atuarfianni meerartavut inuusuttavullu tamarmik siuariartussapput. **Meeraq ataaserluunniit** saaffissaqarani **unissangilaq**, taamaattumillu ilinnialernissaanut praktikerfissaqarnissaanullu kommuni suleqataasaq.

Inuusuttut sulernissaminnut ilinnialernissaminnulluunniit aqutissiuunneqassapput, kommunilu erseqqissumik taakkununga anguniagaqarluni sulissaaq. **Ilaqutariinnut politiki** ersarissuq ulluinnarnilu atorneqarsinnaasoq innuttaasugut peqatigaluta ineriartorteqqinneqassaaq.

Inoqarfiit tamarmik tigussaasumik periuseqarfigineqassapput aamma oqimaaqatigiittumik kommunitta ineriartornissaa qulakkeersimaneqassaaq. **Kajumissutsimik suliaqartut** ilanngullugit nukittorsarlugillu sutigut tamatigut peqataatinneqassapput.


Sulisartunut atugassarititaasut kommunip susassaarfiani malunnaatilimmik **pitsangorsarneqassapput**, tamannalu kattuffiit susassaartut suleqatigalugit pissaq.

Siusissukkut ikiorneqartariaqartunut iliuuseqartarneq nukittorsarneqassaaq, meeraaqqerivinniit aallartittumik. **Inunnik isumaginninneq** illersorneqarsinnaasumik eqaatsumillu ingerlanneqassaaq, pisariaqartitsisut siuariartornissaat qitiutillugu.

Kommunitsinni najugaqartugut tamatta inissaqaqqulluta illunik sanaartorneq illoqarfinni nunaqarfinnilu annertusarneqassaaq. **Nunaqarfinni sullissineq pitsangorsarneqassaaq**, nunaqarfiit akisussaaffigisaat annertusinerisigut.

Meeqqat angerlarsimaffiup avataanut inissinneqartartut ikilisarneqassapput. Siumup sulissutigissavaa **ilaqutariit** suleqatigalugit **ataatsimoorluni ikiorserneqarfiusinnaasumik** sakkussanillu aallerfiusinnaasunik pilersitsinissaq. Siumup pingaartitaraa ilaqutariit nukittuut peqqissullu ikorfartussallugit.

Aningaasarsiornerput siuariartussaaq



Nunaqqatitta piginnaanerat suliffiutaallu atorluarneqassapput

Naleqarnerulersitsineq kommunitisinni siuarsassallugu pisariaqarpoq, soorlu aalisarnermut inatsisip nutaap periarfissiissutai atorluarnerisigut. Aalisakkanik uumatitsivissorneq ilanngullugu ineriartorteqqinnessaaq.

Kommunitisinni suliffeqarfiit kiffartuussisinnaanerat atorneqassaaq, aamma politikikkut siuttut inuussutissarsiortut suleqatigalugit erseqqissumik anguniagaqarlutik siuarsaaqataassapput.

Tasersiami erngup nukinganik nukissarujussuaq nunaqqativut suleqatigalugit ineriartortillugu aallartinneqassaaq.

Ilinniarneq

Saviminilerinermik Ilinniarfiup Sisimiunut nuunneqarnissaa nangittumik sulissutigineqassaaq.

Ilinniarfiit teknikimut tunngasut ataatsimut katersuuffeqarnissaat ilinniartunut ilinniartitsisunullu orniginarnerpaavoq, Sisimiullu ukiorpassuarni qitusoqarfiusimanera nangittumik ineriartortinneqassaaq.

Takornariat

Takornarialerineq ineriartortinneqassaaq, soorlu eqalunnianut, tuttunnianut, heliskitunut assigisaanullu tapersersuinikkut siuarsaanikkullu. Tamakku ilagaat Isortuarsuup kangerluani periarfissat ammaaneqarneri.

Nunarujussuaq inuuffigisarput iluaqutiginiarnerullugu aallartinnessaq pisariaqarpoq.

Umiarsualiviit

Umiarsualiveqarneq sumiiffinni tamani pitsaasumik aaqqissuunneqassaaq. Inuussutissarsiutit ineriartussappata taakku ilanngullutik matuersaataapput.

Pitsaasunik talittafeqarneq sunut tamanut tunngavoq, soorlu aalisarnerup, takornariaqarnerup avammullu niuernerup ineriartortinnerinut.

QEQQANI SIUMUP QINEQQUSAARTITAI PIUKKUNNARLUARTUT UKUUPPUT



Rene L Frederiksen



Qulutak Møller



Peter Mathiassen



Malik Berthelsen



Jan-Kristian Olsen



Hanserak Niels Olsen



Hans Frederik Olsen



Gideon Lyberth



Evelyn Sofie Mølgaard



Emanuel Møller



Dorte Olsen



Charlotte Olsen



Barnabas Larsen



Abel Enoksen



Aqqalu Skifte



Micha Simonsen

PILERSIKKUMALLUGIT...

SIUMUP TUNNGAVIUSUMIK PINGAARTITAI QULIT

Siumup tunngaviusumik pingaartitalugit siunertai qulit tassaapput ulluinnarni anguniakkat saniatigut allannguajaallutik Siumup toqqammavigiuarsimasai. Siumup anguniagai tamakkiissut uani nanineqarsinnaapput:

<https://siumut.gl/anguniakkavut/>



Kommunit nukittut suleqatigiittut

Kommunit susassareqatigiinnerat pillugu suleqatigiiffissamik pilersitsisoqarnissaa sulissutigineqassaq, soorlu kanukoka-tut ittumik pilersitseqqinnikkut.

Kommunit aqunneqarneranut inatsit naleqqussaqinneqarnissaa pisariaqarpoq, aamma tamanna kommunit aaqjissuusaanerisa nutaamik nalilersuiffiginissaanut atatillugu naammassineqassaaq.

Qinikkat sumiiffikkaartumik qanoq agguataarneqartarnerat nalilersugassat ilagaat, kommunip iluani qinerseriaaseq tamatta sinniisoqarnissatsinnut qulakkeerinnittoq eqqunneratigut, soorlu aamma sumiiffimmi innutaasut kiffartuunneqarnerat oqimaaqatigiittumik aaqjissuuneqarsimassasoq.

Kommuni innuttaminut kiffartuussisussaalluni inissisimavoq, taannalu tunngavigalugu aqutsineq ingerlanneqassaaq.



Inunnut immikkut pisariaqartitsisunut kommunip politikia periusaalu pitsaanerulersikkumallugit ineriartortitsineq ataavartumik ingerlanneqassaaq.

Inuit innarluutillit ikiortariaqartullu sullinneqarnerat atugaallu naleqquttumik aaqjissuunneqassapput. Siusissukkut iliuseqartarneq nukittorsarneqassaaq, meeraaqqerivinniit aallartittumik.

Kulturikkut anersaakkullu

pitsaasumik tamatta misigisaqarnissarput pillugu kommunerput tigussaasumik ersarissumillu politikeqassaaq, kajumissutsimikkut suliaqartut suleqatigalugit. **Tamatta susassareqatigiinnerput** nangittumik nukittorsarneqassaaq.

